

Headline	TNB ikat juara bertahan untuk raih mata pertama		
MediaTitle	Utusan Malaysia		
Date	27 Aug 2016	Language	Malay
Circulation	171,663	Readership	563,000
Section	Sukan	Page No	34
ArticleSize	274 cm ²	Journalist	N/A
PR Value	RM 16,395		



PEMAIN TNB, Nurhizzat Sumantri (tengah) meraikan jaringannya bersama rakan Arif Sabron dalam perlawanan Liga Hoki Malaysia-TNB di Stadium Hoki Kuala Lumpur semalam.

TNB ikat juara bertahan untuk raih mata pertama

KUALA LUMPUR 26 Ogos - Tenaga Nasional Berhad (TNB) memamerkan peningkatan positif apabila berjaya meraih mata pertama dalam kempen Liga Hoki Malaysia (TNB-MHL 2016) selepas seri 4-4 dengan juara bertahan Pasukan Hoki Terengganu (THT).

Satu mata yang diraih TNB di Stadium Persatuan Hoki Kuala Lumpur hari ini mampu memulihkan semangat pasukan itu selepas gagal meraih mata dalam dua perlawanan pertama

liga sebelum ini.

Pengurus TNB, Datuk Ir. Mohd. Aminuddin Mohd. Amin berpuas hati dengan persembahan dipamerkan pasukan walaupun dua kali gagal mempertahankan kelebihan gol.

“Walaupun kebanyakan pemain kami adalah pemain muda namun mereka memberi cabaran yang baik dan mengikut arahan jurulatih dengan baik,” katanya.

Nurhizzat Sumantri menja-

ringkan dua gol untuk TNB menerusi gol padang pada minit ke-24 dan penalti minit ke-53. Dua lagi gol dihasilkan oleh Syed Mohamad Syafiq Syed Cholan pada minit kedua dan Hafizhuddin Zaidi minit ke-29.

THT pula memperolehi gol menerusi Tengku Ahmad Tajuddin Tengku Abd. Jalil pada minit pertama dan 27, pukulan penalti Muhammad Irfan Muhammad Aslam minit ke-31 serta Nicolas Enrique minit ke-56.